

## Iminka waxaa la gaaray waqtigi iskool la codsan lahaa xilli dugsiyedka deyrta 2024

This information is available in English, Somali and Arabic. Go to [www.norrkoping.se/skolval](http://www.norrkoping.se/skolval) to read the information in these languages.

Adigaaga leh canug **fasalka 7 billaab doona xilli dugsiyedka deyrta 2024** waa in aad iskool canuggaaga u codsataa. Dhammaan ardayda fasalka 6 ee dhigta dugsiyada degmada iyo kuwa gaarka loo leeyahay waxay codsan karaan iskool, waana muhiim in aad adigu ka waalid ahaan dugsi doorasho sameysid. Uma baahnid inaad wax dooratid haddii canuggaagu dhigto fasal 6 ee dugsi lagu sii wadan karo fasalka 7 oo aad rabtaan inaad sii dhigataan dugsiga.

### Codsigaaga iskoolka waxaad soo gudbineysaa inta u dhexeysa 10 Jannaayo iyo 24 Jannaayo

Waxaad codsigaaga ku aaddan iskoolka ku soo gudbineysaa adeegga elekterooningga ah ee iskool doorashada. Isku xiraha adeegga elekterooningga ah wuxuu ku jiryaa [www.norrkoping.se/skolval](http://www.norrkoping.se/skolval). Inta u dhexeysaa 10 Jannaayo ilaa iyo 24 Jannaayo 2024 ayaad adeegga elekterooningga ah ku geleysaa oo aad ku soo gudbineysaa rabitaankaaga ku aaddan iskoolka. Waxaad sameyneysaa doorasho ku aaddan ugu yaraan seddax iskool, laakin waxaad codsan kartaa inta iskool ee aad doontid.

Codso, sida aad u kala jeceshihidna u kala hormarmari iskoollada aad rabtid in uu canuggaagu dhigto. Marka aad ku gashid adeegga elekterooningga ah waxaad codsiga ku saxiixeyssaa adeeg elekteroonig ah, tusaale ahaan Bank-ID-ga taleefanka gacanta. Labada waalid waa in ay isla saxiixaan si uu codsigu u shaqeeyo.

### Haddii aad rabtid in aad iskool xor ah boos ka codsatid

Adigaaga daneynaya dugsi gaar loo leeyahay waxaad u baahantahay in aad dugsigaas toos u codsatid, codsigaaga **na** xitaa ku gudbisid adeegga elekterooningga ah ee iskool-doorashada. Waa muhiim in aad labadaas tallaab qaaddid si aad boos u heshid. La xiriir dugsiga ay arrintu khuseyso si aad u ogaato sharchiyada ay u leeyihiin meelaynta.

### Xeerarka ku aaddan cidda boos heleyesa

Haddii aad codsatay iskool degmadu leedahay waxaan ka duuleynaa codsigaaga intii suurta gal ah. Haddii uusan iskoolku boos u hayn dhammaan ardayda soo dooratay iskoolka waxaa la adeegsanayaa xeerka u soo kala horreynta si go'aan looga gaaro cidda booska heleyesa. Masaafada u dhexeysa cinwaanka uu canuggu ku qoranyahay ilaa iyo iskoolka uu dalbaday micno weyn ayey u leedahay fursadda ku aaddan in uu canuggu boos helo. Wixii dheeraad ah ka akhriso [www.norrkoping.se/skolval](http://www.norrkoping.se/skolval).

Haddii aadan doorasho iskool sameynin wuxuu canuggaagu boos ka helayaa mid ka mid ah iskoollada boosku ka bannaanyahay ee masaafo macquul ah guriga u jira.

## **Jawaab ku aaddan iskool ku meeleyntu waxay imaaneysaa bisha maarso ee 2024**

Maarso gudeheeda ayaad heleysaa jawaab ku aaddan iskoolka uu canuggaagu booska ka helay. Jawaabta waxaa lagu dhix faafinayaad adeegga elekteroonigga ah ee loogu tala galay iskool doorashada, waxayna, marka ay kuu taallo jawaab ay tahay inaad akhrisatid, farriini kuugu imaaneysaa taleefanka gacanta ama e-mailka. Gal adeegga elekteroonigga ah si aad u heshid jawaabta.

### **Gaadiid iskool**

Gaadiidka iskoolku waxa uu aadaa dugsiyada qaarkood, waxa loogu yeero iskoollada gaadiidka lagu geeyo. Haddii aanu jirin dugsi masaafo macquul ah u jira guriga, waxay ilmuu heli karaan gaadiid u qaada iskoolkooda gaadiidka lagu tago. Waa addeegga elekteroonigga ah ka arki kartaa hadduu canuggaagu leeyayahay iskool leesu qaado iyo iskoolka uu kaasi yahay. Haddii aad rabto inaad hubiso inaad hesho iskool u qaadis, waa inaad codsataa iskool la isu qaado. Maclumaad dheeraad ah oo ku saabsan gaadiidka dugsiga waxaad ka heleysaa norrkoping.se

### **Ma qabtaa su'aalo ama ma u baahantahay caawimaad?**

Booqo [www.norrkoping.se/skolval](http://www.norrkoping.se/skolval) si aad u hesho maclumaad dheeraad ah, waxna uga heshid su'aalaha iyo jawaabaha. Halkan waxaa tusaale ahaan ku jira maclumaad ku aaddan iskoollada degmada iyo kuwa gaarka loo leeyayahay ee Norrköping ka jira iyo xeerarka kala horhorreynta ee loogu tala galay iskool doorashada fasalka 7 ee iskoollada degmada.

Waxaad sidoo kale Xarunta xiriirka degmada kala xiriiri kartaa taleefan nambarka 011-15 00 00. Waxaa sidoo kale Xarunta xiriirka lagu booqan karaa Trädgårdsgatan 21 i Norrköping.

Waad ku mahadsantahay inaad soo gudbisay codsigaaga ku aadan iskoolka!

Salaan diiran naga gudooma  
Xafiiska waxbarashada, degmada Norrköping